




# JAVNA USTANOVA DOM ZDRAVLJA KANTONA SARAJEVO

Kanton Sarajevo, Federacija BiH, Bosna i Hercegovina  
Public Institution Health Center of Sarajevo Canton  
Sarajevo Canton, Federation of BiH, Bosnia and Herzegovina

3473



Broj: 01-03-8953-2/21  
Sarajevo, 17.08.2021 godine,

Skupština Kantona Sarajevo  
Reisa Džemaludina Čauševića br.1  
N/R Zastupnik Elvedin Okerić

Bosna i Hercegovina  
Federacija Bosne i Hercegovine  
KANTON SARAJEVO

PREMJENJENO		18-08-2021	
Organizaciona jedinica	Klasifikacioni oznaka	Broj	Priloga
1011	05	30483-42	

PREDMET: Odgovor na Zastupničku inicijativu,

Poštovani,

Dana 16.08.2021 godine, Javna ustanova Dom zdravlja Kantona Sarajevo zaprimila je putem protokola Zastupničku inicijativu broj 01-05-8953/21, kojom Zastupnik Elvedin Okerić podnosi inicijativu da se hitno preduzmu konkretne aktivnosti koje bi ubrzale i omogućile kontinuiranu i adekvatnu nabavku stomatološkog materijala za Dom zdravlja Vogošća.

S tim u vezi obavještavamo Vas da je Javna ustanova Dom zdravlja Kantona Sarajevo zaključila ugovore za potrošni stomatološki materijal na nivou Ustanove za sve stomatološke službe, a ne samo za Dom zdravlja Vogošća, sa izabranim ponuđačima nakon provedenog postupka nabavke u skladu sa Zakonom o javnim nabavkama u septembru 2019 godine, na period od jedne godine dana, te je materijala za rad stomatologa u našoj Ustanovi bilo sasvim dovoljno. Imajući u vidu da je pandemija korona virusa Covid 19 počela u martu 2020 godine, Ministarstvo zdravstva Kantona Sarajevo dostavilo je Zahtjev za angažovanje svih unutrašnjih rezervi zdravstvenih ustanova za nabavku neophodne zaštitne opreme za borbu protiv Corona virusa, a na osnovu Naredbe Kriznog štaba Federalnog Ministarstva zdravstva, kojim nalažu da se obustave svi hladni programi u svim zdravstvenim ustanovama uz obavezno primanje samo hitnih slučajeva. Na dalje, u istom nalažu da se sva raspoloživa sredstva preusmjere za borbu protiv Covida 19. Obzirom da naši stomatolozi nisu imali dovoljan broj pacijenata, jer su između ostalog bili angažovani i u Covid ambulancama i trijažnim punktovima, tako i nisu mogli potrošiti nabavljeni stomatološki materijal u mjeri i kapacitetu ranijih godina. Na osnovu tih parametara, kao i Izvještaja o radu stomatologa po svim Organizacionim jedinicama, Javna ustanova Dom zdravlja Kantona Sarajevo zaključila je Aneks ugovora sa Zavodom zdravstvenog Osiguranja Kantona Sarajevo za prenamjenu sredstava predviđenih za nabavku stomatološkog potrošnog materijala za 2020 godinu, jer isti nije bio potreban.

Kada je 2021 godina, u pitanju postupak nabavke stomatološkog potrošnog materijala je proveden početkom godine, te zaključeni ugovori sa izabranim ponuđačima u skladu sa

Vrazova 11, 71000 Sarajevo, Bosna i Hercegovina, Identifikacioni broj: 4200174570004, Poreski broj: 1073217

Tel: ++387 33 44 38 90, 29 25 06, fax: ++387 33 29 26 75, www.judzks.ba, e-mail: judzks@judzks.ba

Zakonom o javnim nabavkama i normativima stomatološke struke, jer su upravo oni – stomatolozi bili ti koji su napravili specifikaciju za provođenje postupka javne nabavke.

Imajući u vidu navedeno Javna ustanova Dom zdravlja Kantona Sarajevo svakodnevno se bori prije svega kako bi osigurala svim uposlenicima neophodne uslove za rad u ovom veoma teškom vremenu izazvanom pandemijom korona virusa Covid 19, kao i da obezbjedi adekvatnu zdravstvenu zaštitu svim pacijentima osiguranicima Kantona Sarajevo.

Kada je isporuka potrošnog stomatološkog materijala po zaključenim ugovorima iz 2021 godine u pitanju dobavljači su nas obavjestili o otežanim uslovima uvoza pojedinih stavki po zaključenim ugovorima. Važno je napomenuti da su velike količine robe dostavljene u magacin ugovornog organa od strane dobavljača ali prema instrukciji šefa Službe ekonomsko finansijskih poslova ista nije zaprimljena jer roba nije isporučena u cjelosti prema narudžbenici. Obzirom da je roba koju dobavljači mogu isporučiti dovoljna za nesmetan rad bez stavki koje dobavljači nisu trenutno u mogućnosti isporučiti, dogovoren je sastanak za 23.08.2021godine, sa izabranim dobavljačima kako bi se eventualne prepreke riješile, roba zaprimila, a sve u cilju pružanja zdravstvene zaštite svim pacijentima osiguranicima Kantona Sarajevo, a ne samo OJ DZ Vogošća.

S poštovanjem,

DOSTAVITI:

- Naslovu
- JN
- a/a

**Odgovorni stručni saradnik  
Odjela za javne nabavke**

—  
Alma Kapo, dipl.pravnik

V.D. GENERALNI DIREKTOR

Mr. sci. med. i inf. dr. Amela Kečec

